

Enformaziuns y Comunicaziuns

Festa dla racolta: En domëgna ai 6 d'otober gnaràl tignì la festa dla racolta, olache al gnarà eniann endò mené en prozesciun inçe le ciar. Chisc dis èl gnü o vëgnel parti fora les cassètes. La Ploania preia dër bel dotes les uniuns da enfori sò sòa cassèta desco sègn de reingraziament por i früc dla tera y i früc dla vita che i podun chëie dé por dé. Bel iolan belo damperfora!

Sontades: La Uniun dles Ères s'encunta en lönesc ai 23 de setëmber ales 20:00, te calogna.

Formaziun: Le Consëi de Cöra d'La lla organisëia en curs de formaziun dla fede sot al titul "La löm dla vita", acompagné da Padre Giuseppe. Le curs vën tignì anter 3 encuntades d'en dé y mez dal vëndres (9:00-12:00 y 14:00-17:00) ala sabeda (9:00-12:00). Les encuntades gnarà tignides a La lla te calogna ai 11 y 12 d'otober, ai 15 ai 16 de novëmber y ai 4 ai 5 d'aori 2014. Enformaziuns y iscriziuns pa Lilli al 334/3360222 o Sandra al 348/7821170 e-mail: sandra_frenademez@yahoo.it.

Prozesciun: La Uniun dai Èi dal Decanat Val Badia enviëia düc i èi y jogh da tó pert ala prozesciun con linternes, da San Linert çina sò Oies, co sarà en vëndres ai 27 de setëmber ales 19:30. Vignönn è perié da se tó empara na lintern a na ciandëra.

Mëssa: En domëgna ai 29 de setëmber ales 3 dômisde saràl sò La Val na mëssa de recordanza de siur Heinrich Videsott. Dò mëssa jaràn sön fossa dal defunt y dedò èl por düc en picio renfrësche te salf dles uniuns.

Referat: En dëdölönesc ai 24 de setëmber ales 3 dômisde èl te Çiasa de Palsa ta San Martin en referat con signor Tone Fiung, sot al tema: "Avëi ligrëza y ester encontoné inçe sce i agn pësa". Düc è bel enviës.

Avisc: Le Comun de Mareo lascia alessëi che la strada Framacia gnarà slüta i dis dai 24 ai 27 de setëmber, dales 8 ales 12 y dales 13 ales 17 deache al vën fat laürs por evité che al vëgni jö peres. Al vën inçe lascé alessëi che en domëgna ai 29 de setëmber gnaràl na prozesciun da San Laronz ete Sares, porchël romagn la strada altafora slüta dales 14 ales 17.

Curs/1: La Uniun dles Ères organisëia la ginastica de prevenziun con Marlene Trebo, te palestra d'Al Plan. Ara mët man ai 25 de setëmber y va ennant za. 5 edemes, dagnora lönesc y dëdemesaledema ales 19:30 por n'ora. Al n'è nia da s'anunzié, basta gni.

Curs/2: La Uniun dles Ères con le Consëi de Formaziun d'Al Plan mët da jì en curs de omeopatia (Repertorisationskurs in der klassischen Homöopathie) con Alexander Kirchler da San Laronz. Le curs è ponsé por chi co à belo fat en curs de basa. Pröm iade: lönesc ai 7 d'otober ales 19:30, te salf de calogna. Le curs vën tignì anter 5 iadi, por endöt 10 ores. Prenotaziuns pa Annamaria de Lex al 0474/501286 o 334/6102551.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Telefönn y fax de calogna: 0474 501006. Radio Ploania: MhZ 93,00

Comunicaziuns - çina al dëdemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ


25. Domëgna dal ann liturgich C, ai 22.09.13 - nr. 43

Redaziun: Angela Zingerle, Pablo Palfrader, Margot Pisching

Chël co è de parora tles pices cosses, l'è inçe tles granes

Dal vagnele dô San Luca, 16, 1 - 13

8Y le Signur à laldé la furbizia dal aministradù dejonèst y à dit: I fis de cösc monn è con chi de sò sort plü furbi co i mituns dla löm. 9I ves diji: Fajésse amisc cun l'aiüt dla richëza iniüsta, por ch'i gnëise tuç sò tles abitaziuns eternes canch'ara jarà con os a fin. 10Chël co è de parora tles pices cosses, chël l'è inçe tles granes, y chël co fej de tort tles plü pices cosses, chël le fej inçe tles granes. 11Sc'i ne sëis nia stës de parora tla richëza iniüsta, chë ves confidarà pa spo la dërta richëza? 12Sc'i ne sëis nia stës de parora con la proprieté dai atri, chë ves confidarà pa spo osta dërta proprieté? 13Degün sclâf ne po sorvì dui patruns; o al ti arà le sënn a önn y ti orarà bun al ater, o al tignarà da önn y desprijarà l'ater. I ne podëis nia sorvì entrami, Idio y le mamonn. **Parora dal Signur. - Lalt a té, Gejù Crist!**



EDEMA DLA FEDE: 28.09 - 04.10.2013



Les Ploanies d'Al Plan y La Pli enviëia dër bel dōta la jont - gragn y pici, jogh y manco jogh - da tó pert ala Edema dla Fede. Sòle program èl 5 serades de oraziun, reflësciun y formaziun. Chisc è i terminns:

Sabeda ai 28 de setëmber ales 20:00 te dljia d'La Pli: Meditaziun "Jonëza" abelida dai grups dai jogh d'La Pli y Al Plan, acompagnada da n cor de jogh d'La Pli.

Lönesc ai 30 de setëmber ales 20:00, te salf de calogna d'Al Plan: Referat "Cò po pa garaté en matrimone o na vita de copia?" con le psicologh Paul Hofer.

Dëdemesaledema ai 2 d'otober ales 20:00, te Çiasa dles Uniuns a La Pli: Mësa torona "Fede: tradiziun o convinziun?" Sön paladina baiarà siur Pire Irsara, Paul Felix Rigo dal Consëi de Ploania, Silvester Ellecosta dai Scizeri d'La Pli y Tresele Palfrader Willeit. Moderaziun: Lois Kastlunger.

Jöbia ai 3 d'otober ales 20:00, te dljia d'Al Plan: Meditaziun de Taizé con le Grup Taizé Val Badia. Dedò romagn la dljia daverta por la oraziun personala, con proieziun de imajes.

Vëndres ai 4 d'otober dales 17:00 ales 21:00, te salf dles manifestaziuns d'Al Plan: Referat - Workshop dal tema "Kinder nicht um Gott betrügen", olache ara nen va dla importanza d'educaziun religiosa. Referënt è Albert Biesinger, professur de pedagogia religiosa tla université de Tübingen y autur de trec libri. Enviës è sambën düc chi co à a cör la religiun, soradöt inçe geniturs con mituns, co podarà cialfé te cōsta sëra de bogn impuls por baié de Gejù y de Chël Bel Dio con sü mituns.

Danterete saràl inçe l'ocajun da se mangé y bëre val' deboriada. I enviun dër bel la jont d'Al Plan y La Pli da porté val' da mangé da parti con i atri. Belo damperfora en bel iolan a düc!

S.Mësses y Funziuns dai 22 ai 29 de setëmber 2013**Domëgna: 22.09.: XXV. Domëgna dal Ann Liturgich C**

Oferta por i bojügn dla ploania

**9.30:** Funziun dla domëgna: **Corona****10.00:** S.M. por dōta la Ploania**11.30:** Funziun dal Bato:

Pire Maneschg y Arlinda Mama

Lönesc 23.9: Memoria de S.Padre Pio da Pietralcina, S.Linus**7.30:** S.M por +nt Pitscheider Tone

S.M. por +nta Maria Schanung, Hot.Teresa

S.M. por la fam. de Ida Zardini

S.M. por le Püres Animes plü arbandonades

Dédol. 24.9: Feria dla 25. edema: S.Rupert y Virgil, S.Gerhard

Vijita personala te dljia y cortina

Dédem.25.9.: Feria dla 25. edema dal ann: S.Nikolaus von der Flühe**18.00:** S.M. por fam. Erlacher, La Stöa

S.M. por la fam. d'Andram

S.M. de reng. dla fam. Obwegs Arcangelo y Agata

S.M. por +nta Linda Huber-Kastlunger

S.M. por +nta Veneranda Piazza-Rindler

Jöbia 26.9.: Feria dla 25. edema: SS.Kosmas y Damian, martiri

Oraziun personala tal chît

Vëndr.27.9.: Memoria de S.Vinzenz de Paul, S.Dietrich, S.Kjeld**7.10:** S.M. dai scolari

S.M. de reng. por la fam. Alois y Anna Rindler, Costata

S.M. por +nc' Hansele y Rosina Palfrader, Fordí

S.M. por +nta Costabiei Frenes Luigia

S.M. por +nta Marta Obojes, de Gorghe

15.00: Ora de adoraziun y oraziun**Sab. 28.9.: Sancta Maria in sabato: Sa.Lioba, S.Wenzel****13.00:** S.M. da noza por i nüc' Coppola Gianluca y Nita Anna**14.00:** S.M. da noza por i nüc' Mutschlechner Roman y Alfarei Karin**14.30:** Matrimone con Bato: Miltner Stephan y Janine**17.00:** Poscibilitè da se pissié**18.00:** S.M. 1. aniversar por +nt Paul Ties de Tone de Col

S.M. por +nta Obermair Stefania

S.M. por +nc' Ties Franz y Erna, Ritterkeller

S.M. por +nt Bonomo Dario

S.M. aniversar por +nc' Rosmarie y Mario Pitscheider

Domëgna 29.09: XXVI. dal Ann Liturgich C - Festa dai ainversars

(S.Arcageli Michael, Gabriel y Raffael)

Oferta por i bojügn dla Ploania

9.30: Oraziun dla domëgna**10.00:** S.M. por dōta la Ploania**12.00:** (Santa Berbora) Funziun dal Bato:


Anna (Maria Pia Chiara) Petroccione

**Liebesbeziehung statt Konkurrenzkampf**

Gott ist ein
Gott der Liebesbeziehungen,
deren Blick nicht
einem ICH verhaftet bleibt,
sondern urteilslos
auf ein DU gerichtet ist,
damit das WIR wachsen kann.



La comunité d'Al Plan ti aoda
döt le bun, sanité y benedisciun ai geniturs
Karl Heinz Maneschg y Arlinda Mama
por la nasciüda de picio **PIRE**.



La comunité ti fej les mius aodanzas ai nüc
Roman Mutschlechner y Karin Alfarei, y
Gianluca Coppola y Anna Nita
co se dij de sciö dan da Chël Bel Dio.
Che la benedisciun de Dio i acompagnëii.

AODANZES: Döt le bun, sanité y benedisciun a
Anna Costa *25.09.1930 - Anna Comploi *25.09.1925 - Anna Taibon *27.09.1925
y a düc chi co à santennom y complësc i agn cöst'edema

Sorvisc dai Ministronc**Lönesc 23/09 (07:30h): Dédemesaledema 25/09 (18:00h):****Vëndres 27/09 (07:10h):** Susanna y Filippo Kastlunger; **Sabeda****28/09 (18.00h):** Mike Kaneider, Anna Chierchia, Max Maneschg,Angelo Marku, Jan y Anna Trebo; **Domëgna 22/09 (10.00h):** Natalie

Obojes, Luianta Clara, Simone Crusafo, Matio Erlacher, Elisa

Coppola, Emilie Comploi

